

KJKP "RAD" d.o.o. SARAJEVO
-VD DIREKTOR-
Broj: 05-03-04- /21
Sarajevo, 20.01.2021. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

ODLUKU

o poništenju postupka javne nabavke usluga opravke turbo punjača – LOT 5

I

Obavještenje o nabavci broj 83-1-2-520-3-174/20 od 03.12.2020. godine, u dijelu koji se odnosi na LOT 5 - nabavka usluga opravke turbo punjača, poništiti će se i ponovo objaviti.

II

Odluka stupa na snagu danom donošenja.

OBRAZLOŽENJE

KJKP "RAD" d.o.o. je dana 03.12.2020. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku usluga servisa i popravke agregata, sa rokom dostave ponuda do 14.01.2020. godine.

Po otvorenom postupku za nabavku pristigle su tri (3) ponude i to ponude firmi „TURBOSERVIS BH“ d.o.o. Sarajevo, „AUTOHLADNJAK GABELJIĆ“ d.o.o. Sarajevo i „TURBO SHOP“ d.o.o. Banja Luka.

Komisija za nabavku u toku provođenja otvorenog postupka i nakon detaljnog pregleda dostavljene ponude utvrdila je sljedeće:

- Ponuđač „TURBOSERVIS BH“ d.o.o. Sarajevo nije u svojoj ponudi dostavio dokaz o uredno izvršenim ugovorima u posljednje dvije (2) godine koji su u vezi sa predmetom nabavke te srazmjerni procijenjenoj vrijednosti za pojedini LOT, u formi spiska izvršenih ugovora uz potvrde koju daju druge ugovorne strane o realizaciji sa minimalno jednim ugovorom na godišnjem nivou za svaki lot pojedinačno, a koji je zahtjevan tačkom 13.3.d) Tenderske dokumentacije. Ponuđač nije obezbjedio niti dokaze o učinjenim pokušajima da se takve potvrde osiguraju. Također, ovaj ponuđač nije dostavio Izvještaj o svima otvorenim računima pravnog lica koji izdaje Centralna Banka BiH, a koji je zahtjevan tačkom 13.1.a) Tenderske dokumentacije kao ni izjavu o posjedovanju opreme i osposobljenih uposlenika za predmetnu djelatnost za ovaj LOT, a kako je zahtjevano tačkom 13.3.e) Tenderske dokumentacije. Dalje, ovaj ponuđač je u svojoj ponudi dostavio Izjave o ispunjavanju uslova iz člana 45. i 47. Zakona o javnim nabavkama BiH, koje nisu ovjerene od strane nadležnog organa a kako je to zahtjevano tačkom 12. Tenderske dokumentacije. Ponuda ovog ponuđača nije uvezana kako je to zahtjevano tačkom 15. Tenderske dokumentacije, na način da se onemogućiti naknadno vađenje ili umetanje listova.

- Ponuđač „AUTOHLADNJAK GABELJIĆ“ d.o.o. Sarajevo nije u svojoj ponudi dostavio Izvještaj o svima otvorenim računima pravnog lica koji izdaje Centralna Banka BiH, a koji je zahtjevan tačkom 13.1.a) Tenderske dokumentacije. Također, ovaj ponuđač nije dostavio kopiju ponude, a kako je to zahtjevano tačkom 15. Tenderske dokumentacije.
- Ponuđač „TURBO SHOP“ d.o.o. Banja Luka nije u svojoj ponudi dostavio dokaz o uredno izvršenim ugovorima u posljednje dvije (2) godine koji su u vezi sa predmetom nabavke te srazmjerni procijenjenoj vrijednosti za pojedini LOT, u formi spiska izvršenih ugovora, a koji je zahtjevan tačkom 13.3.d) Tenderske dokumentacije.

Ponude ovih ponuđača su ocijenjene kao nepotpune i neprihvatljive te nisu uzete u dalje razmatranje.

Obzirom da se radi o otvorenom postupku javne nabavke za dostavu ponuda sa objavom Obavještenja kojim je previđeno sklapanje Okvirnog sporazuma sa jednim (1) ponuđačem a da nije dostavljena nijedna prihvatljiva ponuda, Komisija je utvrdila da nije zadovoljena stvarna konkurencija te da je postupak potrebno poništiti i ponovno objaviti, u skladu sa članom 69., stav (2), tačka d) Zakona o javnim nabavkama BiH.

Smatram da je Komisija pravilno postupila kada je uzela u obzir gore navedene činjenice i kada je predložila da se obavještenje poništi. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

v.d. DIREKTOR KJKP „RAD“

Mirsad Hošić, dipl. ing. maš.

DOSTAVITI:

- Ponuđačima;
- a/a